

scheint, ob man den Verfasser oder den Abschreiber dafür verantwortlich machen soll. Der Rhythmus steht in B auf f. 101', in C auf f. 70'.

# INCIPIUNT VERSUS DE BOBULENO ABBATE.

1. **A**tticorum ex genere oriundus nobilis  
Bobolenus monachorum prefuit cenobiis,  
paterno amore semper Christi rexit famulos.
2. **B**onus pastor ad regendas oves sibi creditas  
verbum vitae nunciandum aluit cottidie,  
ipsas inlesas ad caulas Christi ducit comode.
3. **C**orde toto et virtute et ex tota anima  
deum diligens et cunctos ut se ipsum in Christo,  
preceptum dei implevit primum quod preceptum est.
4. **D**ogma priorum antiquorum sancita a patribus  
scilicet totam patravit; verbis quos admonuit,  
exemplum et confirmavit ipsos quidem perpetim.
5. **E**doctus a sancto dei Columbano presule,  
cui post quarto in loco meruit succedere,  
ipsius doctrinam sequens rectum tenet tramitem.
6. **F**ortis inter cetum fratrum operando manibus  
cum ipsis semper sudare laborem adsuevit,  
ipse preibat in opus festinus quam ceteri.
7. **G**ratiam superna illi tantam dedit pietas,  
ut per diem ferret laborem, vigilabat per noctes,  
deditus oracioni, promptus in ieiunio.
8. **H**ic non surdus obauditor Pauli vocem subsequens,  
instanter semper laborans nec gravaret quempiam,  
e suo vivens labore verus ut debet monachus.
9. **I**gne domini accensus lucerna emicuit,  
super candelabrum posita lumen prebet omnibus,  
in domo dei consistens bona luxit opera.
10. **I**gne domini accensus, igne amantissimo,  
igne quem dominus in terram misit volens ut ardeat  
corda servorum suorum mistico septemplíce.
11. **K**aritate conectenda fratrum et consorcium  
alteramne unquam vitam voluit ostendere,  
nisi qualem ipse vivens talem omnes fruerent.
12. **K**apiendo crebro una ipse cum sodalibus  
apostolorum doctrinam suis monstrans monachis,  
regulariter vivendo omnia communiter.
13. **L**anguencium membra fratrum condolet ut propria  
ipse visitans et studet curam gerens congruam  
suis filiis ut pater presto semper adfuit.

---

7, 2 'per' fehlt in C. 12, 1 'crebos uno' verb. 'na' B, 'crebo uno' C.  
12, 2 'doctrinamque' B. 'monstans' B.